

1. **KANTONALNA UPRAVA CIVILNE ZAŠTITE KANTONA SARAJEVO**, ulica Hamida Dizdara br. 1., 71 000 Sarajevo, koju zastupa direktor Samir Džihić (u daljem tekstu: **Ugovarač osiguranja**), s jedne strane,
2. **SARAJEVO OSIGURANJE D.D. SARAJEVO**, ul. Maršala Tita br. 29, 71 000 Sarajevo, kojeg zastupa direktor Arif Kulić, (u daljem tekstu: **Osiguravatelj**), ID broj: 4200326930001, s druge strane

Dana 07.03.2018. godine u Sarajevu, zaključuju:

U G O V O R
o kolektivnom osiguranju uposlenika
u Kantonalnoj upravi civilne zaštite Kantona Sarajevo

Član 1.

Predmet ovog ugovora je nabavka usluga kolektivnog osiguranja uposlenika Ugovarača osiguranja, prema specifikaciji i ponudi Osiguravatelja, broj: 01-506/18 godine, koja čini sastavni dio ovog ugovora.

Član 2.

Definicije u ugovoru su:

Osiguranci: Uposlenici zaposleni kod Ugovarača osiguranja.

Korisnik osiguranja: Uposlenik kojem se vrši isplata osigurane svote.

Osigurani slučaj: Iznenadni i od volje osiguranika nezavisni događaj koji se desi pri vršenju ili izvan vršenja redovnog zanimanja (24 sata dnevno), a ima za posljedicu osiguranikovu smrt usljed bolesti, smrt usljed nezgode i trajni invaliditet usljed nezgode.

Član 3.

Ugovorena premija osiguranja iznosi 2,80 KM mjesečno po svakom uposleniku Ugovarača osiguranja.

Ugovorne strane saglasne su da za osigurane sume navedene u tabeli iznos mjesečne premije osiguranja za 222 uposlenika iznosi 621,60 KM.

<i>R/broj</i>	<i>Osigurani slučaj</i>	<i>Iznos osigurane sume po uposleniku u KM</i>
1	<i>Smrt uslijed bolesti</i>	3.500
2	<i>Smrt od nezgode</i>	41.000
3	<i>Trajni invaliditet</i>	124.000

Ukupno ugovorena premija osiguranja na godišnjem nivou za 222 uposlenika Ugovarača osiguranja, u vrijeme zaključenja ovog ugovora, iznosi: **7.459,20 KM** (slovima: sedamhiljadačetiristotinepedesetdevet i 20/100 KM).

Član 4.

Plaćanje isporučenih usluga će se izvršiti u cjelokupnom iznosu po potpisanom ugovoru i ispostavljenoj fakturi, najkasnije u roku 15 dana od dana prijema iste, putem JRT Kantona Sarajevo na žiro račun Osiguravatelja, uplatom na žiro-račun broj: 1990490106232022 otvoren kod Sparkasse Bank d.d.

Član 5.

Eventualne promjene broja i imena osiguranika će biti prijavljene osiguravajućoj kući u roku od 10 dana od dana nastanka promjene po bilo kom osnovu – osiguranje pokriva period od dana nastanka promjene, a ne od dana dostavljanja obavijesti. Osiguranje obuhvata nezgodu na poslu i van posla, punih 24 sata dnevno i 7 dana sedmično bez teritorijalnog ograničenja. U slučaju da se desi osigurani slučaj osiguravatelj je obavezan na isplatu punih osiguranih suma za smrt usljed bolesti i nezgode, definisanih u ovom obrascu. Osigurana suma za invalidnost i tjelesne povrede isplaćuje se u procentu koji odgovara procentu invaliditeta i vrsti povrede, u skladu sa uslovima za osiguranje lica.

Član 6.

Rok isplate osigurane sume ne može biti duži od 30 (trideset) dana od dana prijave osiguranog slučaja sa kompletnom dokumentacijom, u skladu sa Zakonom i uslovima za osiguranje lica. Osiguranje važi od 00,00 sati dana koji je označen kao početak osiguranja, a prestaje u 24,00 sata dana koji je u polici naveden kao dan isteka osiguranja.

Član 7.

Za osiguranje uposlenika ugovarača osiguranja od smrti uslijed bolesti, smrti uslijed nezgode i trajnog invaliditeta uslijed nezgode, osiguravač će izdati ugovaraču osiguranja posebnu policu osiguranja, a u skladu sa ovim Ugovorom.

Polica o osiguranju, iz prethodnog stava, zajedno sa spiskom uposlenika Kantonalne uprave civilne zaštite Kantona Sarajevo, čini sastavni dio ovog ugovora. Spisak sa brojem i imena uposlenika za organe, pripremit će ugovarač osiguranja i isti dostaviti osiguravatelju.

Član 8.

Sume osiguranja i premija osiguranja ugovorene su u KM.

Član 9.

Ugovor se zaključuje na period od godinu dana odnosno na period počev od 01.04.2018. godine u 00.00 sati do 31.03.2019. godine do 24.00 sati.

Član 10.

Eventualno nastali spor po ovom Ugovoru, ugovorne strane će riješiti sporazumno, a ukoliko to nije moguće spor će riješiti Općinski sud u Sarajevu.

Član 11.

Na odredbe ovog Ugovora, kao i za sve što nije regulisano ovim Ugovorom, primjenjivat će se odredbe Zakona o obligacionim odnosima.

Član 12.

Ovaj Ugovor sačinjen je u 4 (četiri) istovjetna primjeraka, od kojih 2 (dva) primjerka zadržava Ugovarač osiguranja, a 2 (dva) primjerka zadržava Osiguravatelj.

OSIGURAVATELJ

Direktor

Arif Kulić

Broj:

01-846/18

U Sarajevu, 07.03.2018. godine

UGOVARAČ OSIGURANJA

Direktor

Samir Džihić

Broj: 22-06-14-284-9/18